



BASES: II MARATÓN FOTOGRÁFICO DO CONCELLO DE CAMARIÑAS “IMPLÍCATE”

Programa de corresponsabilidade “ Camariñas Co-responsible”

27 de SETEMBRO DE 2009

Con ánimo de continuar o traballo de sensibilización, promoción e implicación da igualdade de oportunidades e da conciliación da vida familiar e laboral, a Área de Igualdade do Concello de Camariñas organiza o II Maratón fotográfico Implícate este ano coa temática da corresponsabilidade dentro do programa denominado Camariñas Co-Responsible.

Queda un largo camiño ata chegar á **igualdade efectiva entre mulleres e homes**. A nosa sociedade sigue impregnada de estereotipos e roles de xénero que colocan ás mulleres nunha posición de desvantaxe e que dificultan a completa realización dos seus dereitos como cidadás. É necesario que toda a sociedade se propoña a igualdade, non só porque é de xustiza social senón porque non se pode prescindir da capacidade, intelixencia e contribución da metade de mais da sociedade.

A corresponsabilidade familiar é o contrapunto necesario para que poida darse, a necesaria conciliación da vida persoal-familiar e a vida laboral.

Dende este punto de vista, a corresponsabilidade doméstica establécese como un instrumento previo e necesario que permita conseguir o obxectivo de crear unha sociedade na que se dea unha plena e real conciliación da vida laboral e familiar. Sen isto, o problema da conciliación seguirá sendo un problema de mulleres.

Co II Maratón Fotográfico “Implícate” coa corresponsabilidade, pretendemos realizar unha actividade onde a realidade diaria de carga das xornadas de traballo das mulleres poida ser visibilizada mediante o traballo creativo das persoas participantes, así como a sensibilización da sociedade en xeral e do colectivo masculino en particular da necesidade de responsabilizarse por igual das tarefas e obrigacións domésticas.

A implicación do home na consecución da igualdade é hoxe fundamental, por iso contemplamos neste II Maratón Fotográfico un premio especial a mellor fotografía sobre a temática da corresponsabilidade. Esperamos que se faga honor ó título da maratón **“IMPLÍCATE”** e todos e todas participen nesta actividade que esperamos sexa un motivo de encontro para a ledicia e a celebración do desexo de igualdade para todos e todas.

PARTICIPANTES:

Poderán participar todas aquelas persoas interesadas maiores de idade que formalicen a súa inscrición na folla de solicitude oficial, antes do día **25 de setembro ás 12 horas**.



INSCRICIÓN:

A inscrición poderá formalizarse cubrindo a ficha de solicitude persoalmente na Área de Igualdade do Concello de Camariñas, sita na Casa de Pedra, rúa Praza de Insuela, s/n. Por medio do correo electrónico cubrindo a folla de solicitude que encontrará na páxina web www.camarinas.net e enviándoa o correo electrónico muller.ssociais@camariñas.net. E tamén por correo certificado ou por Fax o número: 981 73 61 99 ata a data arriba citada.

CATEGORIAS:

A participación será en categoría dixital que deberán entregar as súas fotos en formato de arquivo JPEG, modo de cor RGB, e a unha resolución suficiente para amplialas a 20*30 como mínimo ou no seu defecto á máxima calidade das cámaras. A organización entregarlle un CD onde inxerirán as fotos a concurso realizadas durante a Maratón. Xunto cunha ficha para cubrir o nome da fotografía, o tema correspondente e a explicación ou aclaración que cada participante estime necesaria.

NORMAS E DESENVOLVEMENTO DA MARATÓN:

- SAIDA: Ás 11: 00 horas do día 27 de setembro darase saída ao Maratón no centro cultural da Ponte do Porto onde se informará dos temas obxecto das fotos a realizar. Nese momento entregaráselle a cada participante o seu número de identificación e material que deberán poñer e empregar durante o transcurso da maratón.
- TEMAS E CONTROIS: As persoas participantes deberán fotografar catro temas, dous por cada grupo temático. Os grupos temáticos serán a corresponsabilidade e a igualdade de oportunidades. Todas as fotografías deberán realizarse dentro dos límites do Concello de Camariñas. As persoas participantes deberán pasar os controis nos lugares e horas indicadas pola organización. Quedarán descualificada/os aqueles/as participantes que non pasen polos controis obrigados no tramo e horario definido.
- ENTREGA DE FOTOS AO FINAL DO MARATÓN: As persoas participantes deberán entregar o CD facilitado pola organización, na casa de pedra de Camariñas, entre as 19:00 e as 20:30 horas. As fotos presentadas deberán ir identificadas cun nome e co tema por cada unha delas na folla proporcionada pola organización. As persoas participantes deberán entregar á organización o CD "Implicate" na que incluirán as catro fotos que representen a cada un dos temas propostos. Se algún participante non pode facer a gravación do CD a organización disporá dun lugar habilitado para realizar a descarga das fotografías. As fotos solo poderán presentarse no material proporcionado pola organización.

Se algún/ha participante necesita de equipo informático para realizar a descarga de fotos no CD "Implicate" poderá facelo no lugar e horas que estarán especificadas nas follas de orientación que se entregarán os/as participantes no punto de saída da Maratón.



PREMIOS:

Os premios para as persoas gañadoras serán:

Premio....1000€ á mellor serie fotográfica.

Premio....400€ á segunda mellor serie fotográfica.

Premio especial á mellor fotografía sobre corresponsabilidade feita por un home, que consistirá nun fin de semana de estancia en pensión completa nun hotel rústico en Camariñas valorado en 200€.

Os premios estarán suxeitos ás retencións fiscais correspondentes segundo a normativa legal vixente e serán entregados no acto oficial que determine a organización e que se comunicará ás persoas gañadoras.

XURADO:

O xurado de cualificación, realizará a valoración e selección das series e fotografías presentadas. Estará composto polos seguintes membros:

PRESIDENTE: O alcalde do Concello de Camariñas

VOCAIS: Un mínimo de dos persoas relacionadas co mundo da fotografía, da imaxe, artes ou medios de comunicación...

SECRETARIO: Persoal técnico municipal con voz pero sen voto.

EXPOSICIÓN:

Realizarase unha exposición coas fotografías premiadas e mailas seleccionadas polo xurado polo seu interese e calidade técnica e creativa. O lugar e a data será publicitada na web oficial do Concello de Camariñas. O resultado do veredicto do xurado e a entrega de premios realizarase o día da inauguración desta exposición e será inapelable.

NORMAS DO MARATÓN:

Serán descualificadas aquelas persoas participantes que non acudan a cada un dos controis obrigatorios no tramo horario determinado en cada control. Así como aqueles/as que incumpran algunha norma das bases da maratón.

A organización non se fai responsable do deterioro ou extravío que puidese sufrir os arquivos dixitais.

As obras presentadas á maratón quedarán en propiedade do Concello de Camariñas. O/A autor/a conservará a autoría intelectual aínda que, cederá en exclusiva e irrevogablemente os



dereitos de reprodución das series fotográficas, e das fotografía, para a súa exposición, publicacións ou en calquera outra modalidade que o Concello considere oportuna.

Só poderán participar as persoas inscritas segundo as normas deste maratón e que se identifiquen con DNI ou documento oficial no control inicial.

Durante o transcurso do maratón existirá un Comité de control, formado por tres persoas da organización, que estará facultado para resolver as controversias ou circunstancias especiais que puidese xurdir, así como para interpretar as presentes bases. A súa decisión terá carácter definitivo. A participación neste maratón implica a plena aceptación das bases.

Para calquera dúbida ou aclaración:

- **Teléfono:** 981737004
- **Dirección:** ATT/ Área de Igualdade. Praza de Insuela, s/n 15123 Camariñas
- **Horario:** 8:00 ata 15:00 horas.
- **Persoa de Contacto:** Patricia Vaquero. Técnica de Igualdade do Concello de Camariñas
- **Correo electrónico:** muller.ssociais@camarinas.net